

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 25. De Communione spirituali

urn:nbn:de:hbz:466:1-9969

Deorum in Sion. Lucerna pedibus meis sit verbum tuum
& lumen semitis meis, ut etiam proximis lucis exempla
præbeam, quatenus tu Deus meus in omnibus & ante
omnia glorificeris, nunc & in æternum. Amen.

i v. Salve venerabile vulnus sinistri pedis Christi san-
guine madefactum. Evelle, Domine, pedes meos à la-
queo, quem statuerunt mihi inimici mei. Custodi ani-
mam meam à lapsu, ne fiam hostibus meis in prædam.
Non veniat mihi pes superbiæ, sed in simplicitate cor-
dis mei incedam coram te omni tempore. Edoce me vias
tuas, ut sciam quid acceptum sit coram te & opere com-
pleam universa, quæ præcepisti mihi. Amen.

v. Salve vulnus saluberrimum cordis Jesu Christi cru-
deli cuspidi inflictum, è quo sanguis & aqua copiose
emanarunt in ablutionem peccatorum nostrorum. Vulne-
ra cor meum, Domine, amoris tui jacula, ut te in omni-
bus & super omnia colat, teque & proximum propter te
ferventi semper amore prosequatur. Munda me purissimo
sanguine & aqua salutari, ut ab omni labe emundatus, te
Deum Salvatorem meum, quem soli mundo corde vide-
bunt, in omni æternitate merear contemplari. Amen.

§. XXV. *De Communione spirituali.*

SAncti Patres usum hujus communionis commenda-
runt, ut cum quis percipere Corpus Christi sacra-
mentiter non potest, saltem illud spiritualiter percipiatur;
voto nimirum ac desiderio, & fide viva, quæ per di-
lectionem operatur, de qua dicit Augustinus: *Crede, &*
manducasti. Hæc autem communio fieri potest, & cum
quis Missæ interest, & extra Missam, atque Ecclesiam,
potestque repeti multoties in die. Cum Missam audis-
sis procedes. Post orationem Dominicam convertes ani-
mum tuum hac intentione ad Dominum, tuamque fragi-
litatem & defectus, Deique præsentis majestatem me-
ditaberis. Deinde Agnus Dei ter repetes cum Sacerdote,
dolorem de peccatis tuis corde contrito excitabis, & pa-

ecum cum Deo, cum proximo, & cum teipso postulabis. Similiter iterans cum celebrante, Domine non sum dignus, affectu quam potes humilitatis intensissimo, te tanta dignatione amabilissimi Salvatoris ad te venire patati indignissimum reputabis, ob peccatorum tuorum multitudinem & gravitatem: ob ingratitudinis tuae pro tot beneficiis enormitatem: ob corporis & animae fœditatem, & abyssalem tui nihil vilitatem. Tum Jesu Christi infinita pietate fatus, eum invitabis ad mundandum, ornandum, & in æternum possidendum cor tuum ardentissimis suspiriis. Mox affectus fidei, amoris & aliarum virtutum exercebis, ac si sacramentaliter communicasses, & pro spirituali refectione gratias ages. Si vero extra tempus, & locum sacrificii spiritualiter communicare desideras, priorem communionem Sacramentalem in memoriam revocabis & animo te conjunges Sacerdotibus offerentibus, ac ferventi desiderio dices: *Domine Deus meus, quando te denuò in anima mea suscipiam? Veni Deus meus & jam nunc in me spiritualiter & refice me. Cupio esse particeps omnium sacrificiorum, quæ ubique in Ecclesia Catholica tibi offeruntur. Veni dilece mi, in animam meam, purga eam stillicidio tui pretiosi sanguinis, riga fluentis gratiae, fœcunda rore misericordiae, ut fructus proferat dulces gutturi tuo. Veni spes mea, posside regnum cordis mei, conforma illud cordi tuo, ut idem tecum velit & nolit, nunc & in æternum. Quidquid denique præscribitur pro communione Sacramentali, ad spirituale transferri, eique optimè convenire potest.*

§. XXVI. Pia exercitatio pro his qui Missæ intersunt.

CUM Sacrificium Missæ sit viva & vera, vitae, passionis & mortis Christi representatio, quotidie illi inter esse oportet; & si datur occasio eidem ministrandi, nullo modo negligenda est, nam cæteris paribus majus est ministrantis meritum, quam simpliciter assistentis. D. Thomas jam Sacerdos, & Doctor post quotidianam ce-

K iij